

مجموعہ سنون

از

جمعیت علمیہ عثمانیہ

ایکینچی سہنہ

نومبر و ۲۴

ذی الحجہ

استانبول

جمعیت علمیہ عثمانیہ مطبعہ سندہ طبع اول نمشدر



۱۲۸۰

(صورت حال جمعیت)

جمعیت عاجزانه من تشکل ایده‌لی اوچ سنه‌ی متجاوز اولش ایسه‌ده
ابتدای حالده بر از زمان مغروس دست باغبان اولان تازه قدانلر
کی شهره‌سز قالدقدن صکره بیک ایکی یوز یتیمش طقوز سندسی
ابتداسدن بدأ ایله اشبو نوباره باغ عرفان یوق یوق انبج بر برک
سبز ناچیز اطلاقه شایان اولان اثر حقیرانه سنی موضوع طبقه
شرم و حجاب اولدیغی حالده تقدیم حضور ارباب فضل و کمال
ایتمشیدی. اشته اولوق تدنبرو سایه معالیوایه حضرت پادشاهیده
طرف سلطنت سینه دن مظهر اولدیغی هر درلو مساعدات جلیله
و انتشار انوار علم معرفت طرفداری اولان ذوات ستوده سماتک
معاونت جلیله‌لی ثمره‌سی اوله‌رق شه‌لی‌یه قدر بلا فاصله دوام
اولوب اشبودی لجه نه‌ایتمده بکرمی درت نومروسی ختام بولمشدر
سکسان سنه‌ سنه مخصوص اولان اون ایکی قطعه‌سی دخی تجلید
اولنه بیک اوزره کچن سنه مثالو بونک دخی لازم کلان فهرستی بالتظیم
اشبو بکرمی دردنجی نومرونک نه‌ایتمه علاوه قلمشدر.
جمعیت عاجزانه منک جله مقاصدندن بریسی دخی السنه و فنون
نافعه‌یه دائر محباناً عمومه درس اعطاسی قضیه‌سی اولدیغندن

بعونه تعالی بر قاج ماهدنبرو بونك دخی درجه مظلومه دن زیاده
حسن صورته اجرایی مبر اولشدن مجرد داعیه و طنپروری
و فتوتله بر بایده اختیار کلفت تدریس ایدن ذواتك حسن همتی
شایان تحسین اولدیغی مثلاً بونك استماعنه رغبتله ذات علم و معرفت
حقنده اجرای لازمه حرمت ایدنلرك سعی و اهتماملری مشكور
ازله جنی درکاردر.

هفته ده ایکی اوچ دفعه اوقات معینه ده فرانسز وانکلیر و روم لسانلری
و علم حقوق و ایقونومی پولتیق دینلان تدبیر مملکت فنلری تدریس اولنوب
بونلرك هر برنده خلیجه مداوم شاگردان بولمقده در. بالخصوص
فرانسز لسانی تدرس ایدنلرك عددی سائرندن زیاده اولوب بونلر
درجات مختلفه اوزره درت صنفه تقسیم قلمشدر. اشبورس عاملرك
فوائدی بیاندن مستغنی اولوب سایه سلطنت سینه ده شو و جهله
تسهیلات حصولی بین الاهالی انتشار معارفه تأثیرات کلیه سی
اوله جنی مجزومدر.

برده مقدمه دخی یازا دیغی وجهله جمعیت مذکوره هرگزنده بر
قرائت خانه کشاد اولنوب بونده السنه مختلفه اوزره درس عادتده و ممالک
مخروسه نك سائر محالرنده طبع اولنان غزنه لرك همان کافه سی و اوروپا
غزنه لرينك الك مشهور و معتبرلری اولیق اوزره اوتوزدن متجاوز
اوراق حوادث موجود در. هر کس غایت جزئی مصرفله بو قدر
غزنه نك مطالعه سنه دسترس اوله یلور.

جمعیت کتبخانه سی دخی السنه مختلفه اوزره بیک جلد دن متجاوز
کتابی شاملدر. بوندن بشقه جغرافیه و جراثقال و تشریح و فنون
سائر هیه دائر غایت نفیس خریطه لر و رسم لر ایله حکمت طبیعیه

و جرائد سال فلزینده متعلق بر حقوق آلات و ادوات موجود
اولوب بونلردخی استلیدیکی حالدده عموده ارايه و تعریف
اولمقدده در.

جمعیت کرك مجموعه سنك و كرك سائر اثارینك سهولت و اهوینتله طبع
و تمثیلنه دسترس اولقی اوزره برکوچك بصمه خانه ترتیب و ترکیه دن
بسنقه فرانسزجه و رومجه و ارمینجه حروف دخی تدارك ایتش
اولغله الیوم اشبو السنه اربعه اوزره کتاب طبع ایده یله جکی درکار
بولمشدر.

خلاصه جمعیتك الیوم اوج اثری موجود اولوب بریسی مجموعه
فنون ایکنجیسی السنه علوم متنوعیه دائر درس عادلر اوچنجهیسی
قرائت خانه در. اگرچه مقاصدمز یالکز بونلردن عبارت اولوب
معلومات نافعیه دائر کتب و رسائل طبع و نشری دخی وظائف
متصوره مزك باشلیجه لرندن بریسی ایسده جمعیتك تشکافی متعاقب
رئیسمر سعادتلو خلیل بك افتدی حضرتلرینك پترسپورغ سفارت
سینه سنه ما موریتلری و مقدم و مقتدر اعضادن بك چوق ذواتك
دخی حسب الما موریه محال سائریه عزیمتلی وقوعبولاش اولسینه
شوکیفیت تشبثات خیریه مزك ارزو اولندیخی کرجه تیجند پذیر
اولسنه حائل اولمشدر. مع مافیه اسباب استطاعتمزك عدم کفایه سنه
نظراً اثار حاضره مزك دخی نزد ارباب هروت و انصافده منظور
نظر استخفاف اولیه جغنی ما مول ایدرن.

جمعیتك واردات و مصارفاتی بختنه کلنجه اولوجمهله رئیس و اعضای
مؤسسه دن اکثرینك غیبوتی جهنتله بونلرك شهری اعطاء ایتلری
مقرر اولان اعانه دن بك ازشی حاصل اولوب كرك جمعیت مزكینك

تنظيم وترتيبى وكره ذكر اولئسان كتابخانه و بعضه خانه نك تأسيس
و ترتيبى مجرد مجموعه فنون حاصلاتى و بعض ارباب فتوك اعانه ليله
حصول پذير اولشدر

(منيف)

(قوة الكتريقه)

حال طبيعىده بولئان اجسام موجوده ده جذب و دفع خاصه لرندن
هيچ بر اثر كور محبوب انجق بر پارچه بال مومى و يا شيشه و يا كوكرد
ويا خود كهرياييك و يا خود يو كدن معمول قاش پارچه سيله دلك
اولشدرق يعنى سوزيله رك خرده جسم لره كوسترلده كده اجسام
مدلوكه مزبوره اول خرده لرى كندولرینه جذب ايدرلر. اشته بو
خاصه يه قوة الكتريقه و يا خود خاصه كهريائيه تسميه اولنور. اشبو
خاصه قديم يونان فيلسوفلر نك دخی معلومى اولوب لسان يونانیده
الكترون لفظى كهرياء معناسنه اولغله خاصه مذكوره يه انكترىق
ديئلسى بولندن نشأت ايتمشدر.

دلك واسطه سيله الكترىق حاصل ايدن اجسامك بروجه صحت
فرق و تميز اولنمسيچون متعدد الات استعمال اولنوب على العموم
اجسام طبيعىده موجود خاصه كهريائيه يي اظهار وارانله ايدن الات
متنوعه الكترىق نما معناسنه اولشدرق الكتر و سقوط تعبير اولنور.

اشبو الاتك الكعاديسنه شاقول الكترىق تسميه اولنوب بودخى مزور
انچاچندن نمخود جسم مننده مصنوع و اينجه ايك و يا خود كان ايلكى